

1
IOH. FRID. HERELII
EPISTOLA CRITICA

AD
V. CL.

IOH. GE. MEVSELIVM,
LIBERALIVM ARTIVM

IN ACADEMIA HALENSI MAGISTRVM,
ET INSTITVTI REGII DISCIPLINAR.
HIST. QVOD GOTTINGAE FLORET,
SODALEM.



ALTENBURGI

EX OFFICINA RICHTERIA. CIO IO CC LXVII.

*Celep. Vith
Je como
am.*

V I R O

DOCTISSIMO ET AMICISSIMO,
IOH. GE. MEVSELIO,
S. P. D.

IOH. FRID. HERELIVS.

— — — *Bella, horrida bella,
Et Tybrim multo spumantem sanguine cerno!*

Nunc enim verissime nuper Te mihi
praedixisse intelligo, fore, ut
satirae meae maximos tumultus in lustro
illo Moropolitano excitent. O augu-
rem Te dexterrimum! Qualia mihi ami-
cos portenta nuntiare existimas? Fre-
mere ciues omnes et indignari, furi-
bundos per vias discursare caussidicos,
meque petulantissimis conuiciis proscin-
dere, pingues autem sacrificulorum gre-
ges dignum me, qui in *Gebenna* aeter-
num, ut mos est, crucier, vetulis ac-
cinentibus, clamitare. O hominem me
A 2 felicem

felicem beatumque! Ecquis me vivit
 hodie vsquam terrarum fortunatior?
 Nam quid iucundius mihi, honorificen-
 tiusque accidere posse iudicem, aut de
 quo iustius gloriari fas fuerit, quam si
 me ab istis lacerari audiam, quorum ne
 laudes vnquam ferrem, a puero caui
 sedulo, quosque si mea studia probare
 comperirem, animo prorsus concide-
 rem, ac mihi ipse totus merito displic-
 erem? Semper, crede mihi inimicitiis
 hominum ineptorum plurimum, atque
 impensius etiam, quam laudibus ami-
 corum delectari consueui. Cur nunc
 demum ira accendar, cur mihi fieri in-
 iuriam, me peti opprobriis, de me
 actum esse, querar? Rodant isti, si vo-
 lupe est, Herelium, et allatrent, quae-
 libet impune confingant mendacia, quin
 etiam libellos famosos, quot volent, per
 famelicum parasitum M*** componen-
 dos, describendosque formulis curent;
 praesens

praefens mihi semper in promptu erit
vindictae genus, — hilaris et tranquil-
lus tantos furores affatim ridebo. At-
que etiam nimis velim, ut responsio-
nem ad satiras meas, quam se prolatu-
ros ambitiose minantur, edere festinent.
Incredibili enim desiderio, publice a ta-
libus irrideri, me flagrare, quid negem?
Habebimus hercle! libellum, quo ani-
mum oblectemus suauissime, quem nun-
quam ab ambulationibus nostris, cen-
Flaccos, Gleimios, Hagedorniosque
abesse patiemur.

Sed ohe! satis iam de misellis dictum
esto. Alia sunt, de quibus Tecum con-
fabulari gestio, quae etsi leuia Tibi, ut
sunt certe, et ludicra videbuntur, mihi
tamen, spero, vitio non vertes, quod
his potissimum litteris animum aegrum
studeam consolari, quas ab ineunte aeta-
te tenerrimo semper affectu colui, id-
que hoc tempore, quo sortis sinistrae

acerbitas, callidaque inimicorum meorum improbitas, pridem ex occulto molesta, extrema mihi omnia haud obscure minantur. Nam ut nunc rerum meorum status est, nisi Deus aliquis mature subuenerit, in perpetuum mansuetioribus disciplinis remittendum nuntium esse intelligo. Quod igitur illos facere videmus, quos ab amicorum veterum, quibuscum per longum temporis spatium coniunctissime vixerunt, dulci consuetudine heu! dura fatorum imperia auocant, ut quod adhuc supersit temporis, id omne in iucundissimo eorum consortio, quo se proxime carituros dolent, atque etiam maiori aliquanto cum ardore voluptateque consumant; id nunc quidni ego quoque faciam, atque dum libellos meos, qui me adolescentulum nunquam non humanissima suauitate tenuerunt, supremum fortasse euoluo, quaedam etiam pristini huius amoris exflare

stare vestigia , et gratum quasi animum publice testari cupiam? Equidem cum lectione veterum scriptorum, multis licet ciuium meorum indignantibus passim, passim iridentibus, ita caperer, vt quod his deliciis anteferrem, omnino non haberem, factum est, vt accuratius paullo animum grato labori intenderem, nec fas fere putarem, quidquam relinquere, quod minus recte intelligere viderer. Quare obuias passim salebras secunda negligentia praeterire nolui, quin potius, quomodo quam aptissime tollerem e medio, circumspicere coepi, ideoque praestantissimas cuiusque editiones, scriptaque recentiorum Criticorum paene cuncta, euolui. Verum haec auxilia non ita certa experiebar, vt non saepius, quam exspectassem, aestuantem plane destituerent, quamquam, quae animaduertissem ipse, iam ante ab aliis occupata laetus subinde deprehendebam.

facere? Audacem me reddidit
consilii inopia; ex dubio consultore
is sum repente hariolus, ac varias
iecturas chartis inter legendum man-
e institui. Quarum si quasdam in
spectum Tuum prodire iussero, si
iam veluti arbitrum earum consti-
am, ecquid, quaeso, feres molestius?
Inutiora haec sunt, fateor, quam
uae iudicio Tuo limato submittere de-
beat, verum ut es humanus et facilis,
quid non homini, Tui studiosissimo,
condonabis? Nunquam profecto animo
tempus excidet, quo Halae Te apud
communem patronum, perill. Klotzium,
(o nomen dulce mihi semper, sanctum-
que!) primum noscere datum est, il-
lamque in Te doctrinae ingeniique ra-
ram praestantiam admirari, quae laudis
meae minime indiget, abunde dudum
optimo cuique spectata et celebrata. O
horas, quas in illa domo, quam Musae
ipsoe,

ipsae, Gratiaeque sedem sibi elegisse videntur, inter sermones hominum elegantissimorum liberos iucundissime transegi!
 O noctes coenaeque Deum! Vt iam nil mihi, praeter acerbam vestri memoriam relictum est! — Verum, cum haud amplius Tua consuetudine frui mihi liceat, dabis hoc certe precibus meis, meque, ut facis, absentem constanter amare perges. Nunc ergo hoc quaecunque amicitiae pignus, críticas nonnullas Herelii Tui animaduersiones aequus suscipe, quarum si pauculas forte haud improbaueris, quid est, quod me operae, his triciis impensae, poenitere debeat? Sin contra veteris aegroti somnia diuitias nostras deprehendes, Tuam magis vicem, qui tempus sterilibus nugis frustra impenderis, quam nostra parum dextre euenisse auguria, dolebo. Hoc igitur agamus!

Iam primum, quae ad Apuleium aliquando notaui, animus est expromere,

A 5

cuius

cuius me lectione, quamvis ob dicendi genus insolitum et peregrinum parum, ut nosti, commendandi, lubenter delectatum recorder. In quo emendando, quid non Critici operae posuerunt? Nemo fere sibi placebat, qui non coniecturis aliquot Apuleium iuuisse crederetur, adeo, ut si a Plauto et Minucio Felice discefferis, nullus maiori interpretum numero superbiat. Cui me quoque turmae pugnaci adiungere ecquid dubitem?

L. 1. de Habit. Doctrin. Plat. p. 2. l. 25. ed. Elmenhorst — ad Pythagorae disciplinam se contulit. Quam etsi ratione diligenti et magnifica instructam videbat, rerum tamen continentiam et castitatem magis cupiebat imitari.) Vellem, hic nos docuisset aliquis, quaenam ista rerum sit *continentia* et castitas, aut quomodo formula commode explicari possit. Satis certe clarum est, istas virtutes *rationi*

tioni diligenti, seu doctrinis scitisque ipsis Pythagoreorum opponi, atque hinc desiderari personas, in quibus conspicuae Platoni admirationi fuerint. Mendum in voce: *rerum* latere suspicor. Dum alii melius diuinent, repono: *fratrum*. Nota est arctissima Pythagoreorum coniunctio, de qua cf. Menag. ad Laërt. 8. f. 10. et quem ibi laudat, Diod. Siculi locum. Potuit ergo Apuleius, ut semper affectat reconditam eruditionem, eos *fratres* κατ' ἐξοχὴν vocare. Fuit, cum mallet: *sectatorum*, sed nimis audax coniectura videbatur.

p. 5. l. 23. Non solum nullam horum partem extra orbem relinqui, sed vim quidem eius extrinsecus inueniri.) Sermo est de mundo, ex elementis quatuor composito; sed verba, ut nunc se habent, sibi inuicem repugnare, quem fugit? Verae lectionis vestigia seruant editiones primae: *nihil quidem etc.* Elmenhorstius

horstius scripturam codd. Florent. et Fulviani, nescio quare, exhibere maluit. Quid si ex vtraque tertia vera exurgat: *sed ne vim q. etc.* Sensus sic manifestus redditur, et est, quod τῷ non solum respondeat.

p. 8. l. 3. mortale genus corporum ex eo diuidi Terrenum atque Terrestre; sic enim χοινὰ censuit nuncupanda.) Leue mendum editiones occupat omnes, censuit falso pro: censui, nobis sistentes. Non enim Plato, sed Apuleius vocem graecam interpretatur. Rursus Noster, p. 16. l. 28. *usus nulla ratione collectus.* Sic enim ἀλογον τρεβήν elocuti sumus. Supra etiam p. 6. l. 27. vbi naturam διανοητικὴν, cogitabilem et intelligibilem explicat, addit: *detur venia nouitati verborum, rerum obscuritatibus seruienti.*

L. 2. p. 13. l. 35. quae sequenda, fugiendaque sint, honesta esse, ac turpia; illa

illa voluptatis, haec laudis; haec vero dedecoris ac turpitudinis.) Itane Platonem turpia laudabilia dixisse, Apuleius memoret? Quis tale quidquam Nostrum scripsisse sanus credat? Sed bene est! Sequentia non Apuleium, sed librarios peccasse ostendunt. Iam proprii: *haec, ac restitue*. Sentisne vitium omne prorsus evanuisse? —

De Deo Socratis. p. 46. l. 11. cum quatuor sint elementa notissima, veluti quadrifariam natura magnis partibus determinata quae sit, propria animalia terrarum et flammarum.) Nae is mihi erit magnus Apollo, qui haec sine emendatione explicare poterit. Nihil adest, ad quod animalia illa referantur. Cupe-rem rescribere: *determinata, quae sit etc.* Nempe natura terras ac flammis suis quasque animalibus instruxit, eaque quasi ciues convocavit, qui eas incolerent, ne pars vlla relinquatur deserta.

p. 47. l. 17. caput editi montis ceu quibusdam curuis torquibus coronarent.) Non damno plane: *curuis*: sed vide, annon elegantius auctor reliquerit: *furuis*. Mihi quidem prius istud torquium epitheton hic otiosum videtur. Nostrium contra naturae non minus ac dictioni Apuleii, passim poeticae, probe conuenit. De commutatione *curui* et *furui* cf. Drakenborch. ad Sil. Ital. VI. 149.

De mundo. p. 58. l. 29. Exin inferioris aëris qualitas turbidior infunditur, cui permixtus est glacialis rigor: sed superioris vicinia claritatis et propinqui caloris afflatu nitescit, ac sinceriore interdum luce vestitur.) Vt taceam, nitescere ac luce vestiri verbis tantum diuersis, vnum idemque exprimere, cum tamen caussae geminae, claritas et calor memorentur, quam recte quidquam caloris afflatu nitescere dici queat, nescio.

nescio. Leuissima mutatione corrigo: *niteſcit*. Firmat ſuſpicionem locus ſimilis p. 68. l. 9. *tepores frigus glaciale mitificant*.

Breuiter nunc menda quaedam examinamus, exigua illa quidem, ſed menda tamen. p. 68. l. 40. Deum per omnia permeare, et ad nos, et ad vltra poteſtatem ſui nominis tendere) praeſtare credo, et aptius ad poteſtatem quadrare: *numinis*. Sic p. 72. l. 40. *mundi ſalutem tuetur Deus, apta et reuincta ſui numinis poteſtate*, nec infrequens harum vocum in codd. confuſio. p. 69. l. 20. *teſta fulgerent eboris niue, argenti luce, flammea auri, vel electri claritate.*) Immo, auro laudem ſuam ſingularem, qua cetera quoque hic gaudent, reddamus: *flamma*. p. 72. l. 41. Huius locum quaerimus, neque finitimus eſt etc.) inferendum, quod excidit: *ſi*.

Alloc.

Alloc. Herm. ad Asclep. p. 91. l. 8. Cum Trismegistus de futura Aegypti infelicitate, religionum corruptione, hominum strage exposuisset, addit: His amplius, multoque deterius ipsa Aegyptus suadebitur.) Corruptum verbum extremum scrupulum cuius, credo, iniicit. At nullus relinquetur, si mecum emendes: *foedabitur*. Quae sequuntur, sine codicum auxilio sanari vix possunt.

p. 93. l. 20. procellis turbinibusque aeris, saepe discordantibus, trader.) Vt languet illud: *saepe!* Tu frigus dissolue, et meo periculo corrige: *saeue*. De vocum earum confusione cf. Burm. ad Ouid. epist. 14. 39.

Metamorph. L. 1. p. 105. l. 1. vt ab umbilico pubetenus cetera corporis renudaret.) Num accedes mihi, Vir Amicissime, si parum hic arridere *cetera* fatear? Aliud quoddam verbum membra, quae nominat, exigere videntur.

tur. Scire forsan cupis, quid ipse excogitauerim? — Ignosce; *secreta* sunt, talia temere nec amicis credimus. Viden Herelium

— *egregii mortalem alrique silenti?* —

L. 2. p. 117. l. 1. Tunc minus morigeros et viles fastidians, in saxa — reformat.) Maga quaedam lasciuia describitur, eiusque in amatores miseros crudelitas. Veniam profecto a Te impetraturus sum, si verbum reuocauero, doctioris illud nequitiae, quam quae a bonis descriptoribus intelligi potuerit. *Viles*, si me audis, facessere hinc in malam rem iubeto, succedere autem: *inutiles*. Sic nempe Romani appellarunt misellos istos, quos monachi *frigidos et maleficiatos* in Iuris Canonici vegrandi mole vocabant, ipsi nonnunquam minime maleficiati, *utiles* contra, τὰς δυνατὰς Κύπριδος ἔργα τελεῖν, vt ait Theocrit. epigr. 4. 4. Sic plane Ouid.

B

Amor.

Amor. 2. 10. 27. *lasciviae consumito tempore noctis Vtilis et forti corpore mane fui*, et Epist. Her. 21. 93. *O nec adhuc iuuenis, nec iam puer, utilis aetas!*

p. 118. l. 25. Venus — licet omni Gratiarum choro stipata, et toto Cupidinum populo comitata, et baltheo suo cincta.) Palatinus codex, teste Elmenhorstio, *communicata*, repraesentat. Fortasse genuinum fuit: *communita*.

L. 3. p. 130. l. 36. spirantes adhuc corporibus in multo sanguine palpitantes.) Ferri quidem potest vulgata lectio, attamen ad spectaculi atrocitatem depingendam efficacius scriptum fuisse arbitror: *mutuo*. Poëtis inprimis imago familiaris est. Sic Statius Theb. 4. 400. *alternaque truces moriuntur in ira*, et 11. 153. *perfossi in sanguine fratris Exspirare cupit*. Plura loca adscribere, quid opus est? Pricaeus: *alto* substituire volebat, quod minus placet.

L. 4.

L. 4. p. 146. l. 4. iam cetera Lapithis Thebanis, Centaurisque similia.) Hoc, *Thebanis* cuncti fatentur esse corruptissimum, neque enim Thebae quidquam ad Lapithas. Stewechius in Coniectan. studuit emendare locum, et pro: *similia*, *similes* bene quidem reposuit at eidem: *Threcibus* nimis licenter corrigenti, accedere nequeo. Codicum varietas, Elmenhorstio notata: *Thebanibus*, *Thelamibus*, *Thelamis*, et *Thelamonibus*. An fas erit, ex his sordibus exsculpere sincerum: *Haemoniis*? Circa montem Haemum gentium earum sedes fuisse ferunt. Ouid. Met. 12. 213. de iisdem: *Haemonii proceres aderant*, et v. 353. Centauri meminit: *Haemoniis qui montibus vrsos Ferre domum — solebat.*

L. 6. p. 177. l. 16. Sic assignato tantorum seminum cumulo etc.) Quara-
tione hordeum, milium, papauer, ci-

B 2

cer,

cer, lens, faba, femina *tanta* vocari possunt? Suspicio, a manu Nostri esse: *tot unitorum*, nimirum quae Venus, ut supra ait, acervatim commiscuerat, et in vnum grumulum confuderat. Causa depravationis in aperto est. Cum *ta* ab antecedente simili syllaba esset absorptum, remansit: *t unitorum*, quod quisnam librarius non in: *tantorum*, verteret?

L. 7. p. 193. l. 12. paullo iam clarius, contempta mea praesentia; bono animo es, inquit, etc.) Post: *praesentia*, in codice Florentino additur: *quaesiere mortui*, in Bertinio et Romana editione: *quievere mortui*, quae ab Aldo inducta, ipse quoque omisit Elmenhorstius. Sed non de nihilo adesse haec, licet corrupta, persuasum habeo. Sensus commodus emerget, si legamus: *quasi vere mortui*. Tali enim asinum confabulantes merito comparabant, ut qui
nec

nec ipse audire sermonem, aut euulgare posset.

p. 199. l. 15. collo constriktum reducunt eum pastores molesti.) Ad haec Pricaeus: "Fero moleste vocem istam, „nec moueo tamen; est enim in omnibus libris, nec saltim in scriptura variatur." Ignoscite, manes Pricaeani, audaciorem me finxit natura, ideoque scripsisse Nostrum aio: *modesti*. Num leuius mutare poteram? Per iocum, ut solet, modestos appellat, qui miserum viatorem ad terram detractum, pugnis pulsauerant, et calcibus contuderant. Similem ironiam inuenies p. 186. l. 10. p. 140. l. 28. et 34. p. 206. l. 20. et alibi passim.

L. 8. p. 211. l. 10. qui eum prorsus hunc illum, nec alium locorum inquilinum praeminabantur.) Inepta haec est tautologia, et vel sono ipso auribus ingrata. Mendi sedem opportuni mihi

indicauit codex Florentinus, in quo: *euum*, scriptum exstat. Veram reduco Apuleii scripturam: *auum*. Scilicet de spectro agitur, quod sub imagine senis, qui nepotem infantem in foueam decidisse fingebat, deceptos miseratione viatores iugulare solebat. Cf. p. 210. l. 25. vbi: *nepos namque meus*, et l. 29. *auum sibi faspicule clamitantis*.

L. 9. p. 222. l. 26. homunculi vibicibus liuedinis totam cutem depicti.) Legendum puto: *liuedincis*. et p. 223. l. 14. Fabulam denique bonam, praeter ceteris suaue compram,) ad ductum codicis Bertiniani, quem: *suauem comperitam*, habere aerumnosissimus Elmenhorstius testatur, lubenter refinxerim: *suauem compertu*.

p. 228. l. 18. viminea cauea; quae fustium flexu in rectum aggregata cumulum,) Bertin: *intectum*, Flor: *intextetum*. Monstrum verbi! An fuit: *in teretem*?

L. 10.

L. 10. p. 245. l. 33. debere cunctis artibus communis dispendii latronem inquire.) Melius duorum sociorum consilio conuenit: *iunctis*, et fauet nonnihil ita sentienti versus Claudiani, Præcae laudatus: *animosque ligant commercia damni*. De solempni verborum istorum confusione videndus Drakenborch. ad Sil. Ital. IX. 641.

p. 256. l. 30. in quodam mollissimo arenae gremio lassum corpus porrectus refoueo.) Quid audio? Itane tot veluti gremia habuit arena, ut Lucius vnum ex multis eligere potuerit, in quo recubaret? Quis vnquam tam egregie ineptire sustinuerit? Si: *quodam* abesset, *gremio* neminem offenderet, nunc id simplicis notionis verbum, non quod metaphoram inferat orationi, subesse clare ostendit. Aut ego admodum fallor; aut: *grumo* locus sanandus erit. p. 177. l. 11. *grumulus* iam occurrit.

L. 11. p. 264. l. 16. da nomen huic sanctae militiae, cuius non olim sacramento etiam rogabaris.) Immo vero p. 266. l. 5. sacris his se iamdudum destinatum ait. Corrigendum est ergo: *iam olim*, nec amplius quidquam relinquetur difficultatis.

Apolog. p. 327. l. 29. Tunc ultro parentis tuae animum istis scrutaris.) Provocula: *ultro*, otiosa et sensu apto destituta gestio Nostro redonare: *lurco*. Isto quippe titulo dignissimus erat adolescens, quem alloquitur, perditus, qui a patruo nequam corruptus, a magistris, ut ait p. 336. l. 8. in ganeam fugiebat, atque inter scorta et pocula conuiuium agitabat. Vox haec aliquoties Apuleio usurpata, cf. p. 213. l. 6.

Florid. p. 344. l. 16. factum, solus Alexander ut ubique imaginum summus esset.) Codex Florent. secundus: *simus*, atque Fulv. Ursinus, cui nec ipsi
vulga-

vulgatum satisfaciebat, *vnus* correxit. Sed mendum, vt saepe alias, ex compendio scripturae ortum, negotium nobis desinet faceffere, si scribamus: *similimus*. Sequentia haud parum suspicioni fauent.

p. 345. l. 20. Meum vero vnumquodque dictum acriter examinatis, sedulo pensiculatis, ad limam et lineam certam redigitis, cum torno et cothurno iterum comparatis.) Hic quoque praestantissimae membranae Florentinae viam nobis ad genuinam lectionem reducendam, credo, aperuere. Namque illae: *verum*, exhibent, quod nullo negotio, atque etiam confidentius, quam alias soleo, muto in: *veterum*. Ea cura, inquit, dicta mea examinatis, vt ad veterum exemplar, tanquam ad regulam quandam exigere soleatis. Non opus est, hanc correctionem operosius, Tibi praesertim, commendare.

p. 347. l. 26. quam moderatione obtineri queat tua ista gratia, vita iucunda, mitis austeritas, placida constantia, blandusque vigor animi.) Nullus omnino, quos hac de causa consului, interpretum explicavit, quatenus sit ista gratia, quidque *vita iucunda* inter cetera, quae Apuleius eleganter sane sibi alias contraria copulavit, venustatis habeat. Me miserum! Itane solus quaecuncti se intelligere hoc diserto silentio fatentur, qui meus est stupor, non capio? Quis tamen adeo iniquus fuerit, qui me amicis, quos hic eadem forsitan infcitia tenet, qualemcunque coniecturam meam proponere vetet? — *Gravitas iucunda!* Ain vero, non displicere hariolationem? Quin, quo magis adhuc placeat, loca quaedam aliorum adscribam. Aufonius parental. ep. 3. v. 6. *gravitas comis, laetaque serietas.* Silius Ital. L. 8. ad fin. *Laeta viro gravitas,*

tat, et mentis amabile pondus, Et sine tristitia virtus. ibid. *gratus inerat visentibus horror.* Statius silu. 1. 3. 91. *virtusque serena Fronte grauis* Nemesian. bucol. v. 55. *Blanda tibi vultus grauitas, et mite seuera Fronte supercilium.*

p. 357. l. 4. plenius gratias, canaciusque libro mandabo.) Pro barbara voce et nihili solus, quod sciam, Scioppius conabatur reponere: *canam, ociousque etc.* Quod in margine codicis Florentini est, *canam inque etc.* recentioris cuiusdam commentum est, quamvis Elmenhorstio perplaceat. Num blandior mea suspicio: *comtiusque* vel etiam: *ornatiusque?*

Satis Apuleio impensum operae puto. Nunc Te ad Oppiani mecum carmina deducam, minime venustate sua destituta, ac vel paucis, quae illis etiamnum inhaerent, maculis indigna. Cyneget. L. 1. v. 53. ed. Rittershus. *Ὁὐ μὲν ἄρ' ἔσθ'*

ἔδ' ἄλιᾶ, καὶ ἐκ ἐτὸς ἰξευτῆρι, Ἄγρη νόσφι
 πόνοιο· πόνῳ δ' ἅμα τέρψις ὀπηδᾷ Μένη, καὶ
 πόνος ἔστι, ἀναίμακτοι δὲ πέλονται.) Mi-
 ror profecto, commentatorem, si quis-
 quam alius, diligentissimum haec, ut
 sanissima tacite praeterire potuisse, cum
 mendo pusillo deformata, manifesto pu-
 gnent. Quid enim? Aucupium piscat-
 tionemque absque labore ullam esse va-
 tes negat, verum hunc grata voluptate
 compensari et excipi. An nunc eum
 subiunxisse credibile est, laborem in his
 nullum adesse? Profecto hic stupor in
 Nostrum nunquam cadit. Persuasum
 habeo, emendandum necessario esse:
 φόνος, quod verba proxime sequentia:
 ἀναίμακτοι δὲ πέλονται, luculenter con-
 firmant. Nulla caedes a piscibus volu-
 cribusque timenda est, quam bestiae ter-
 restres solae venatori minantur. Ope-
 rarum errorem quo minus subesse pu-
 temus, versio latina vetat. φ. corrumpi
 inter-

interdum in: π, docet Guil. Canterus in syntagm. de rat. emendandi Graec. auct. p. 31.

L. 4. v. 163. Ὅν τοῖον Γάγγαο ῥόος — ἐπότε κρημνῶν Ἐκπροθορῶν ἐκάλυψε μολῶν δέμας αἰγιαλοῖο.) Non satisfacit mihi, fateor, verbum: μολῶν, nec alios fortasse, attentius paullo hos versus perlegentes, quem infert orationi, languor fugiet. In eo causam positam esse censeo, quod abest epitheton, ad: δέμας referendum, quorum ut nunquam parcus est Noster, ita hic commode omittere vix potuisse credam. Vide, an bene coniecerim: μέλαν. Imaginis certe horrori pulchre conuenit littus nigrum, quod fluuius, praeceps ex montibus, cum mugitu ruens, inundat. Ita Apollon. Rhod. 2. v. 349. ὠκυρόην ποταμὸν ἄκτῃν τε μέλαιναν coniungit. Statius silu. 4. 4. 62. *nigrae littora Thy-*
les.

Halieut.

Halieut. L. 5. v. 653. Αἶψα δὲ παίζας
 δρεπάνῃ τάμε χαρὶ παχείῃ — ἔδ᾽ ἐ τι μέλαι
 Δηθύων.) Agnosco formulam Homeri-
 cam, verum, ni fallor, loco minus op-
 portuno adhibitam. Existimem, ab au-
 ctore profectum: ταχείῃ. Singulis pae-
 ne verbis exprimere studet summam ce-
 leritatem, qua spongiarii perficere mo-
 lestissimum laborem coguntur.

Sed quoniam semel Oppianus ad ma-
 num est, iuvat errores quosdam in-
 signiores indicare, a quibus Rittershu-
 sius, in concinnanda versione latina, non
 satis sibi cauit. Halieut. L. 3. v. 121.
 Λάβραξ δὲ πτερύγεσσι διὰ ψαμάθοιο λαχέ-
 νας Βόθρον, vertit: *per arenam sortitus*
foueam, quod qui intelligat, noui esse
 neminem. Festinanter enim vir magnus
 verba graeca perlegens, inuenisse se ar-
 bitratus est: λαχέσας idque vertenti frau-
 di fuit. Nihil clarius, quam *fodiens*
 reddi debere. Simili modo in eadem
 voce

voce peccauit Leichius in praef. ad
 Carm. sepulchral. p. 13. vbi versum ex
 epigrammate quodam: θυμῷ θαρσάλειψ ζῶν
 ἐλάχνηε τάφον, sic fecit latinum: *Animo
 strenuo viuus me sepulcrum sortitus fuit,*
 notatus ideo graui censori Doruillio ad
 Chariton. p. 78. — L. 5. v. 529. Στα-
 λάμενοι δόρυ κοῦφον ἀτάδαλον ἐς πόνον ἄγρης,
 Thraces ibi describente Nostro, excur-
 rentes ad delphinorum capturam nauic-
 ula, quam versu sequenti ἐπαγόμενον
 σκάφος vocat, quis credat, a Ritters-
 husio profectam versionem: *Mittentes
 hastam leuem?* Scribendum erat: *In-
 struentes, s. praeparantes ratem expedi-
 tam, leuem.* Reliqua peccata praetereo,
 passim enim lapsus interpretem ani-
 maduerti. At qualem virum! Quam
 illum varia doctrina et accurata instru-
 ctum! Hic si ad vitam reuocatus, - - -
 - - - ; censens' repulsam non laturum
 hominem? — Hem! vbi omentum, et
 fastus

fastus stupidus? Vbi litterarum cultio-
rum odium? Miseret me Tui, o bone!
Delicta maiorum immeritus lues! —
Audin', quid responsi tulerit? *Condi-
tione tua non utimur!* —

Paucula sunt, vt in viam redeam,
quae ad Hyginum notauī. Fab. 61. ed.
Stauren. Salmoneus, — cum — faces
ardentes in populum mitteret et ciues,) *Merito* Munckerum offendit τὸ: *ciues*,
quod hinc vt interpretamentum ante-
cedentis *populum* expungendum credit,
ratione non improbabili, nisi tutius il-
lum in emendandis veterum libris ver-
sari constaret, qui verba corrupta iuuare
coniecturis, quam exturbare mauult.
Vellem, liceret per Te mihi refin-
gere: *filices*. His namque Salmoneus,
grandinem etiam fortasse, vt fulmen, imi-
taturus, commode vti poterat. Nim-
bos certe, quibus grandines feruntur,
conatum eum imitatione exprimere do-
cet

cet Virgil. 6. 590. *Demens, qui nimbos — simularat.*

Fab. 69. Adraſto — reſponſum ab Apolline fuit. — Tunc Adraſtus, memor fortium ſuarum.) Quid tandem eſt, dices, quod te hic offendere potuerit? An tu nullum locum non menda inquinatum eſſe tibi perſuaſiſti? — Verum animum, o Noſter, paulum huc aduertito. Quaeenam verborum ultimo- rum eſt latinitas? Potuitne Adraſtus oraculum, quod ipſi generos futuros praemonſtrabat, quodque a Phoebopro- ſectum Hyginus ait, *ſuum* vocare? Credo, ſi augur ſibi ipſe fata praeciniſſet, ipſe ſuo afflatu, quod ridiculum, rem mirabilem cognoviſſet, haud inepte ita ſcribi. Nunc id non minus virioſe dictum eſſe liquet, quam ſi quis conſilia amicorum, *ſua* vocare velit. Nunquam apud veteres ſortes alii, quam DIs, earum auctoribus, tribuuntur.

C

Val.

Val. Flaccus. 4. 704. *Heu, quis datus iste Deorum Sorte labor, 577. animo redit illa meo fors cognita Diuum. 2. 790. auguriis promissæ, et sorte Deorum.* Lucret. 4. 1232. *Diuum numen sortesque fatigant.* Quisquamne igitur audaciam meam accusabit, si tentem corrigere: *sacrarum?* Sic plane Ouid. Met. 1. 368. *auxilium per sacras quaerere sortes.* Quodsi tamen id vitium dictioni Hygini sordidae et castigatae parum deberi contenderis, prae fracte Tibi repugnare nolo.

Fab. 119. Orestem esse mortuum, quem Aegisthus populo necandum demandauerat.) Qui, rogo, Pylades fraudem hanc praeclaram perficeret, et Clytemnestrae mortem Orestis probabiliter nuntiaret, si iste populo ad necandum traditus olim fuisset? An hospes Orestem in terris peregrinis obiisse narraret, cuius interitum auctores facinoris, si a plebe

plebe foret interemtus, praesentes adspexissent? Ea praeterea verbi: *demandauerat*, vis est, ut caedem Orestis occulte potius cuidam iniunctam fuisse appareat, quam sane tyrannus adulter multitudini tuto imperare vix poterat. Corrigere mecum sodes: *bubulco*. Hac lectione admissa, recte Pylades nunc demum Orestem fato concessisse narrat, clam scilicet a pastore seruatum. Fab. 72. iisdem verbis: *Haemon — Antigona ad pastores demandauit*. Oedipum quoque infantem pastori interficiendum datum scimus.

Fab. 125. de Vlysse. Ira Mercurii iterum naufragium fecit.) Quidnam ex te audio, Hygie? ποῖόν σε ἔπος φύγειν ἔρπος ὁδόντων? Itane Mercurius, numen Vlyssi beneuolum et amicum, cuius opera Calypsus insulam reliquerat, Odyss. E, qui eum Moly radice monstrata aduersus Circes incantationes muniuerat,

his verbis inter alia vsus: ἀλλ' ἄγε δὴ
σε κακῶν ἐκλύσομαι, ἥδ' ἐσώσω. Ibid. K.
optimisque consiliis instruxerat, quod
supra ipse narraſti, hic, inquam, acer
ipſius hoſtis et iratus a te nobis ſiſtitur?
Quis te malus abſtulit error? Sed bene
eſt; librariorum culpam, non tuam, li-
quide agnoſcimus. Scripſiſti procul du-
bio: *Neptuni*. Hic miſero, vt ex Ho-
mero diſcimus, ob excoecatam Poly-
phemum filium ſemper infeſtus fuit, ra-
temque perdidit, atque Phaeacum na-
vem, qua domum deducebatur, in la-
pidem transformaui, quod tu falſo no-
vum naufragium appellas. Interpretes,
quod mirere, tenuere ſilentia cuncti.

Hygino comitem dabimus Erontinum.
L. 1. c. 4. ſtrat. 13. ed. Oudendorp.
ſcripſit Antipatro, Thraciam rebellare,
praefidiis, quae ibi reliquerat, interce-
ptis, — quae epistolae vt interciperen-
tur ab hoſte, curauit.) Poenitet me in-
gratae

gratae vocabuli in eodem paene versu repetitionis, etsi Frontinum non eum scriptorem esse scio, a quo summa elegantia, nitorque orationis exspectari debeat. *Praesidia* quoque *intercepta* nec satis aperte dicuntur, neque rei atrocitati satis respondent. Quid tentare nocebit: *interfectis*?

L. 2. c. 5. strat. 4. in ipsam fossam elephantos egerunt; quo ut primum illaqueati sunt, partim magnitudine telorum confecti.) Recte vitium suboluit Oudendorpio, qui in animaduersionibus: "non tam magnis, inquit, telis, opus est, ut elephantos grauiter vulneres, sed hastis et verutis militum. „Putem potius ab auctoris manu esse: „*magna vi.*” Haec ille, sensui quidem verborum optime consulens, minime tamen corruptae lectionis vestigiis obseruatis. Religiosior mea suspicio: *multitudine.* Ex scripturae compendio facil-

lime prior syllaba deprauari potuit. Apud Curt. 8. 14. *elephantus, qui multa exceperat tela*, occurrit, qui mox: *tellis vndique obruitur*. Sil. Ital. 4. de iisdem belluis: *Stat multa in tergo et nigranti lancea dorso*.

c. 9. strat. 1. Marius, victis proelio Teutonis, reliquias eorum, quia nox circumuenerat, circum sedens.) Iterum virum sagacissimum audiamus: "In mendo sine dubio cubat prior vox, (circumuenerat.) Videtur scribendum: interuenerat, ut coniecit I. F. Gronovius, vel: superuenerat, vel: certamen diremerat." In codicibus, quibus V. Cl. abunde fuerat instructus, nihil praesidii, et quas proposuit coniecturas, ne quid dissimulem, longius mihi a vulgata lectione recedere videntur. Propius forsitan ad veritatem accederet: *iram minuerat*. Nox ingruens impetum victorum cohibuit, repressit ardo-

ardorem, adeo, ut reliquis hostibus parcerent, postero demum die prorsus debellandis.

c. 12. strat. 2. Quod cum soluere ex disciplina fecisset.) Feliciter locum corruptum restituit Cl. Oudendorpius, legendo: *solerte*, quam emendationem mihi quoque, antequam nitidam ipsius editionem consulerem, venisse in mentem, laetor. Nunc cum mea esse desierit, addam saltem Apuleii alium, ad stabiliendam communem sententiam facientem, ex L. 8. p. m. 202. ubi canes venatici, *solertis disciplinae memores* vocantur.

Lucianus Disput. cum Hesiodo, T. III. p. 241. ed. Reitz. Τὴν τῶν μελλόντων, προαγόρευσιν, εἰδὲ τὴν ἀρχὴν ἐξαπέφηναι, εἰλλὰ τὸ μέρος τῆτο πᾶν λήθῃ παραδέδωκας, εἰδαμῶν τῆς ποιήσεως ἢ τὸν Κάλχαντα, ἢ τὸν Τήλεφον, ἢ τὸν Πολύιδον, ἢ καὶ Φινέα μιμησάμενος, οἱ μὴδὲ παρὰ Μασῶν τάττα τυ-

χόντες, ὅμως προεθέσπιζον, καὶ ἐκ ὧν καὶ
 χρᾶν τοῖς θεομένοις.) Ad haec Solanus:
 "Quis vnquam fando audiuit, Telephum
 „inter vates habitum? Corrupta igitur
 „haec vox, sed quid reponendum sit, non
 „aeque procliue est diuinare." Ceteri
 interpretes prorsus tacent. Nuper ad-
 modum, cum in hunc locum inciderem,
 prospero meo fato, non quod pueri in
 faba, — veram, vt spero, lectionem,
 vnicam litterulam mutando, reperi.
 Scribendum, inquam, est: Τήλεμον.
 Scilicet hic est μάντις ἀνὴρ ἧς τε μέγας
 τε, Τήλεμος Εὐρυμίδης, ὅς μαντοσύνη ἐπέ-
 καςο, καὶ μαντεύομενος κατεγήρα Κυκλώ-
 πεσσι. Homero memoratus Odyss. I,
 quem ibi Polyphemus Vlyssis dolum fa-
 talem praedixisse ait. Ouid. Metam. 13.
 771. *Telemus Eurymides, quem nulla fe-*
fellerat ales. Theocrit. Id. 6. 23, ὁ μάν-
 τις ὁ Τήλεμος, ἔχθρ' ἀγορεύων, ἔχθρὰ φέ-
 ρει ποτὶ ὄικον, vbi vid. Schol. Celebrem
 ergo

ergo augurem fuisse pater, dignumque,
qui reliquis apud Lucianum adiungatur.

Id. in Epist. Saturnal. ibid. p. 407:
Ἐγὼ μὲν πάλα βασιλεὺς ὢν, πέπαυμαι ἄς
ὢν, τοῖς παισὶ διανέμω τὴν ἀρχήν.) Ver-
ba: ἄς ὢν, delenda censet Guierus, nec
in codice quopiam exstare Reitzius no-
tat, qui sic: "Merito Fl. haec omittit,
„misere enim repetitur vnico tantum
„verbo interposito. Possem quidem
„coniicere: εἰς αἰῶνα, in perpetuum de-
„stiti, sc. regnare, sed non satis certo,
„ideo vncis illa suspecta verba seclusi."
Quid vero, si haec corrigenda potius,
quam inclementer nimis eliminanda
iudicemus, scribentes: ὕστερον, quis-
quamne lenitatem nostram vituperatu-
rus est? —

Dictys Cretensis, ed. Dacier. Bataua.
L. 1. c. 21. repente tonitrua, corusca
fulmina, et per ea terrae marisque in-
gens motus.) Haud equidem intelligo,

quomodo fulmina motum istum concitare potuerint. Grandines enim et imbres, mare turbantes, vt L. 6. c. 1. factum legimus, postea demum cecidisse narrat. Praestiterit igitur: *praeterea*.

L. 2. c. 33. neque amplius attentari corpora, et eorum, qui antea fatigabantur, tanquam sperato diuinitus levamine, relaxari.) Turbat nonnihil legentem attentius: *tanquam sperato*. Vindingius priorem voculam delet, sed non ille magis satisfacit, ac Daceria, exponens: "innuit id potius casu euenisse, quam ob pacatam iram Apollinis." Gestio reponere: *tanquam inspirato*. Frequenter DI dona sua mortalibus inspirare dicuntur, Theocrit. Id. 17. 51. de Berenice, inter Diuos relata: *μαλακὴς μὲν ἔρωτας Προσπνεία*. Statius filu. 1. 2. *Venus — tacitum inspirat amorem Connubii*, Virg. Aen. 6. 12.

magnam

magnam cui mentem animumque Delius inspirat vates. Val. Flacc. 7. 255. *Venus — permixtum odiis inspirat amorem.* — Verum cui bono plura adscribam?

L. 3. c. 5. perhibebatur quippe hic etiam ex his, qui a Phineo Agenoris originem propriam memoria repete-
bant.) Barthius in istud: *propriam*, aliquid, ut ait, correpsisse putat. Mirum enim esse, ni alienae potius, quam suae originis memoriam repetierint. Quin nos accedimus viri docti sententiae, et coniicimus: *propiores*? Statius Theb. 2. 437. *propiorque fluat de sanguine iuncto Iuppiter.* et Achill. 1. 478. *patrii propior cui linea coeli.*

L. 4. c. 27. neque a Teucris secus bel-
laturum.) Fortasse fuit: *segnius* L. 3. c. 4. *neque a Troianis segnius agebatur.* L. 4. c. 6. *neque segnius a Memnone actum.* c. 20. *egregius dux baud segnius immi-*

ne.

nere. L. 5. c. 12. *Neque segnius — incendiis gestum.*

c. 7. hinc Graecos resumtis animis sequi, caedere, impeditosque dissolvere, atque ita confodere laxatos.) Rursus eiicere iubet Vindingius *τὸ que*, nimis hercle! in adhibenda hac medicina facilis. Nos genuinam auctori lectionem, ipso praeceunte, redonemus. L. 2. c. 46. locum obseruavi, nostri quam simillimum. *reliqui duces, ut quisque locum ceperat, caedere singulos, et ubi conferti steterant, bini aut amplius congregati, impetu suo dissolvere, ac mox dispersos palantesque interficere.* Viden, singula fere sibi inuicem respondere: *impetu hic dissolui congregatos?* Quidni ergo rescribamus: *impe*~~ditos~~ *vi* . Vix alio modo vocula cum praecedenti coalescens, deprauari poterat.

c. 15. in luce belli Achilles interfectus.) Elegantissime! Daceria exclamat.

mat. Addo, quem ipsa laudare poterat, verſum Statii Theb. 3. 160. *bellorum in luce patenti Conſpicui factis.*

Succedat Apollonius Rhodius, variis adhuc mendis poſt Hoelzlinum obſitus, quo viro nemo certe ineptior ad Graecum quendam poetam commentario illuſtrandum fuit. Horum multa eluit feliciter Ruhnkenius V. Cl. in epiſtola critica ad Erneſtium, Lugd. Bat. 1751. 8. L. I. v. 101. Θηſέα — Ταινάρειν αἰδέηλος ὑπὸ χθόνα δεσμὸς ἔρυκε, Παρίθῳ ἐσπόμενον καινὴν ὁδόν.) Ex ſcholiis diſcimus, iam olim varie lecta fuiſſe poſtrema; γράφεται καὶ καινὴν. καινὴν μὲν, ἥγχι, κενὴν καὶ ματαίαν, κένην δὲ, ἀναφορικῶς, quae mihi varietas antiquam aliquam labem prodere videtur. Hoelzlinus, vt fui ſemper eſt ſimilis, verbis obſcuris et ambiguis priorem lectionem exponit, atque etiam male: *viam irreducem* vertit. Senſus emerget non inelegans, ſi mecum

cum rescribas: κοινήν. Theseus aufa Pirithoi adiuuans, communem, vt notum, viam cum illo carpsit, descenditque comes ad inferos. Theocrit. 7. 35. *ξυνὰ γὰρ ὁδὸς, ξυνὰ δὲ καὶ αἶψα.*

v. 661. κακὴ δ' ἐπὶ ποταμὸν ἵκηται Βάξις.) Hoelzlinus, solita perspicuitate, "ad plures: Aliud est in verbis, nimirum, quod κοινῶς ἐπὶ πολὺ." An recte ego diuinaui: ἐπὶ πόντον, *ne turpis rumor trans mare etiam, ad gentes externas perueniat?*

L. 2. v. 525. ἱερὰ δ' εὖ ἔρρεζεν ἐν ἄρεσιν ἀστέρι κείνῳ Σαίριω.) Non inuitus equidem reposuerim: δανῶ. Nam iure gravis et metuendus dicitur ventus iste, qui v. 518. ἄρανόθεν Μινωίδας ἐφλεγε νήσας, — εἰς δ' ἐπὶ δηρὸν ἔην ἄκος ἐνναέτησιν, adeo vt Aristaeus fuerit aduocandus, qui sacrificio pestem illam auerteret.

L. 3. v. 78. Καὶ μιν ἔπειτ' ἀγανῶσι προσέννεπεν ἥγ' ἐπέεσσιν.) Nonne, quaeso, aptius

aptius in locum τξ: ἢ γ succedere posse existimas: ἢ κ? Fauet nonnihil argu-
tanti v. 107. Ἦκα δὲ μαδιώσα παραβλήδην
προσέειπεν.

v. 396. τοῖο δὲ θυμὸς Διχθαδίην πρόφου-
ρεν ἐπὶ σήθεσσι μενσινῆν.) Leue est, nec
omittendum tamen semel in his mi-
nutiis versanti, scribendum esse: ἐνί.
Exemplis parcam. Nolo in re tenui
ambitiosus videri.

L. 4. v. 1717. Ἀνάφην δὲ τε λισσάδα
ἤησον Ἰσκον, ὃ δὲ Φοῖβος μὲν ἀτυζόμενοις ἀνέ-
φηνε.) Necessario reponendum: μιν.
Idem sis Oppiano restitue, L. 3. Cyneg.
v. 204. Ἄρσενα δ' αὖ μὲν ἰδοι etc.

Florus ex rec. Dukeri posteriore,
L. i. c. 3. sect. 5. Citauere leges ne-
fas, sed abstulit virtus parricidam, et
facinus intra gloriam fuit.) "Haec ve-
terum codicum omnium, quos docti
viri viderunt, lectio est." Graeuus
ait, idque confirmat Dukeri luculen-
ter

ter silentium. — At vobis male sit, membranae nequissimae, cum isthac praua vestra concordia! Vos enim meae suspitioni nonnihil ponderis addituras, stultus antea semper credidi. Verum nil agitis. Vestra causa, nisi forte virorum doctorum dissensus accesserit, nondum coniecturam meam repudio. Flori quippe manum esse reor: *absoluit*. Dictum eleganter, quasi virtus ipsa viri iudex sententiam pronuntiarit, infontem videri Horatium, quem leges, partes accusatoris sustinentes, reum fecerant.

c. 17. s. 4. Ille per noctem pastorio habitu speculatus omnia refert. Tum iter.) Magnae circa hunc locum constituendum Criticorum trepidationes, nec, credo, quisquam interpretum non symbolam in commune attulit. Variant mirifice codices: *omnia. refert, (praefert) totum iter, tutum iter, tum iter.* Quidam: *iter,*

iter, plane omittunt, *Tunc sic (fi)* pergentes. Aliorum coniecturas prudens praetereo, molestius enim est, quam quis vulgo putet, describere, quae probare ipse non possis. Ne longum faciam, amplector, quam exhibet Dukerius lectionem, tantum muto: *iter in: itur*. Sic nihil amplius restare ambiguitatis putem.

L. 3. c. 3. f. 13. panis usu, carnisque coctae, et dulcedine vini mitigatos Marius in tempore aggressus est. Iam diem pugnae a nostro imperatore petierunt.) Salmasius in libro Nazariano laudatissimo et inculpatissimo (pietatem Critici agnoscis) post: *aggressus est*, sequi notat: *venere illi quam et in barbaris multa vestigia, diem etc.* quae corruptissima ita restituere conatur: *venere illi: Quam metus in b. nulla v. etc.* ut minus violententer, ita et feliciter parum. Coacti nescio quid et scabri habet oratio, nec

D

cum

cum sequentibus pulchre cohaeret. **Al-**
tius quoddam vulnus subest, sic me iu-
 dice sanandum: *Reliqua etiamnum b. mi-*
litiae v. τὸ: vne ex illo: *vini* in versu
 praecedenti male repetitum a librariis
 sequenti vocolae adhaesit, facilius ideo
 deprauatae.

L. 4. c. 5. f. 1. Quos (agros) Caesar
 veteranis in castris pretium militiae per-
 soluebat.) N. Heinsius: *in* delet, et
 veterana castra militem veteranum in-
 terpretatur. Lipsius contra, et G. Vof-
 sius: *castris* insuper exfulare iubent.
 Neutri ego accedo, sed ad ductum L. 11.
 pr. D. de Euiction: *possessiones — par-*
tim veteranis in praemium adsignatas,
 quam laudat Dukerus, *castris* modo de-
 letis, reliqua recte se habere contendo.

c. 11. f. 3. totus in monstrum illud,
 vt mente, ita animo quoque et cultu
 descuiuerat.) Et hic locus crucem fixit
 commentatoribus, merito ignorare se
 faten-

fatentibus, quale sit tandem discrimen illud, quod Noster inter mentem atque animum hic loci voluerit intercedere. Freinshemio placet: *amictu*, sed praefert Perizonius: *mimo*, quem Dukerus refellere satagit, longa oratione et verbosa nihil ipse extricans. —

Atqui vultus erat multa et praeclara mimantis. — Codex Voss. 3. *monstrum istud mente iam animo q et cultuque*. Licet forte inde rescribere: *ut mente unanimi, ita cultu quoque d.*

c. 12. f. 48. inde partito exercitu totam in diem amplexus Cantabriam.) Corrigunt Freinshem. N. Heinsf. et Perizonius: *indidem*, Lipsf. et Gronovius molestas voculas eradunt. Orosius, teste Dukero, eadem narrans: *totam pae-ne a. C. etc.* Nunc vide meam audaciam. Scibendum suspicor: *totam tantum non a C.* *Tantum* ob vicini: *totam*, similitudinem excidit.

D 2

Iuuat

Iuuat nunc euoluere L. Ampelium, quem Floro passim, vt a Dukero quoque factum, comitem quasi adiungi videmus: Insunt enim in eius libello plurima, quae medicas manus magnopere efflagitent. Mirari sane nonnunquam subiit, cur a Criticis habitus semper sit negligentius, et velut indignus iudicatus, in quo nauiter emendando ingenium ostentarent. Tam parum hos bona sua nosse! Non ita Salmasius, qui Solinum

Haud equidem sine mente reor, sine nimine diuum,
arripiens, vastissimae eruditionis thesauros in illustrando eo perquam liberalliter expromsit. Ampelio duce et auspice cur nemo itidem ad immortalitatem ausus est contendere? Certe scriptor est parum grauis et elegans, et habet multa, in quibus enarrandis librorum innumerorum lectio prodi, et animadversiones vsque ad inuidiam longissimae con-

sunt picti — manu Autochthonis, et nemo inuenire potest, quis pinxerit.) Atqui, o bone, Autochthonem ipse artificem nominas. Legendum: *quî*, nempe; qua ratione, qua de caussa, etc. Ibid. p. 17. lapis — lac demittit; ex altera autem parte similiter si frices, ac si sanguinem remittit. Perizon. *remittat*. Sed sic: *est*, aut simile aliquid antea exciderit, necesse est. Legamus: *ex se*. Ibid. lucerna — quam neque ventus aspergit, nec pluuia exstinguit.) Munckerus ineptae haec dici agnoscens, vult: *dispergit*. Ego loco transpositione succurro: *n. v. exstinguit, n. p. adspersgit*. Ibid. p. 18. Marmeliae apud Sipylum.) Corrigebat G. Vossius, *Magnesiae*, nec repugno. Sed verior mea emendatio: *Hermesiae*. Plin. H. N. 5. 29. *Interiere intus Daphnus et Hermesia et Sipylum*. Erant, vt videmus, vrbes inter se vicinae. Ibid. signum Iouis Olym-

Olympii aereum, facies ex auro, quem fecit Phidias.) Subesse mendum, prima specie non adeo manifestum, docet Plin. H. N. 34. 8. *Phidias Atheniensis Ioue Olympiae facto ex ebore quidem et auro*, eademque alii, Pausanias inprimis, narrant. Quin nos ocius in Ampelio: *eboreum* reponimus? c. 19. Scaurus, qui vetuit filium in conspectum suum venire, quia bello Cimbrico (sic recte Dukerus) deseruerat.) Verbum, quod hic desideratur, restitues ex Aurelio Victore de vir. ill. in vita Scauri, vnde haec transcripsit Ampelius. Sic enim ille: *filium suum* quia praesidium deseruerat, *in conspectum suum vetuit accedere*. Ibid. Scipio Nasica, quia non rite etc.) excidit post vocem primam: *qui*, propter sequens: *quia*. c. 20. Trecenti sub Calpurnio Flamma contra Poenos, qui in Siciliensi saltu, mortuo exercitu, populum Romanum libera-

verunt, vt plane CCC Lacedaemoniorum apud Thermopylas gloriam adaequarent.) Dicitur emendasse Freinshemius: *moritur*, quae correctio sensu caret, operarum procul dubio erroribus deformata. Dukerus legit: *mortui*, s. *morte sua exercitum populi Romani l.* Cum Florum, eandem historiam prodeudentem memoriae 2. 2. 13. consulerem, legeremque ibidem: *virtute Calpurnii Flammae — qui — adeoque moratus hostem, dum exercitus omnis euaderet, venit mihi in mentem, potuisse scribere Nostrum: morati exercitum*, scil. hostium, vitiosa negligentia, a qua sibi scriptor iste plebeius passim non cauit. Florum sane ante oculos habuit, iisdem enim fere verbis expressit, quae sequuntur: — *pulcherrimo exitu Thermopylarum et Leonidae famam adaequauit.* t. 33. p. 31. Attalus, qui pro Romanis saepe pugnavit. Nam testamento
suo

fuos P. R. heredem fecit.) *Tandem*, ar-
riferit Perizonio; quid si: *Idem?* c. 39.
p. 33. Tatiush — interuentu Sabinarum
pacem cum Romulo fixit.) Liuius ita
1. 13: *inde ad foedus faciendum duces
prodeunt, nec pacem modo, sed et ciui-
tatem — faciunt.* Malim itaque lege-
re: *fecit.* Alioquin et: *pacem figere*,
nimis insolenter dici videtur. Ibid. Ro-
manos ad Ianiculum obsedit, propter-
que Tarquinius.) Vix operae pretium
est, monere, *que delendum esse.*

Serenus Sammonicus, poet. lat. min.
T. 2. ed. Burman. v. 888. subiti noua
caussa doloris, Cuius origo latet, veris
reprimenda medelis.) Non abs re su-
spectae Burmanno visae sunt *verae me-
delae*, quas explicari posse credit; re-
media probata usu et experientia, ad-
dens tamen coniecturas tres; *seris*, quia
initio latuit causa morbi, *certis*, et:
miris. Sed valeat, ad finem exclamat,

D 5

scripto-

scriptorum et editorum auctoritas praeconiectura. Nihilominus existimo, minima licentia, cum praesertim Regius codex: *veneris* exhibeat, restitui posse: *variis*. Tria certe medicamenta generis diuersi proximis versibus ipse recenset.

v. 1016. subiti species morbi, cui nomen ab illo est. Quod fieri nobis suffragia iusta recusant.) Paucis ut me expediam, dicam tantum, scribendum mihi videri: *recusat*, siue, ut margo editionis Hummelbergiae et Constantinus habent: *recuset*. Ideo morbus iste, Noster ait, dictus comitialis est, quoniam prohibet atque impedimento est, ne comitia semel coepta ad finem plene perducere, adeoque suffragia legitime a populo ferri queant. Sic operosis Burmanni commentis tuto carebimus.

v. 1091. cineres vel hirundinis altae Inducas.) Quidam: *atrae*, vel: *alte*,
scribi

scribi volunt; Pictorius exponit: in altum aedificantis. Non alienum fuerit: *albae*, si Plinius forte, scriptoresue medici addicerent.

Ausonius ex rec. Tollii, epig. 33. v. 7. Nec studeat quasi casta loqui.) Sensus quidem horum verborum facilis et planus, nec quidquam obscuritatis, fateor, inest. Interim elegantius multo, genioque dictionis Ausonii, et epigrammatis lepori conuenientius scriptum olim fuisse suspicor: *Vesta*. Hanc ego amicam nolo, Ausonium, hac admissa emendatione, crede, nobis suffragantibus hercle! dicere, quae Vestae ad instar, Diinae, summa pudicitia, morumque sanctitate conspicuae, nulla, nisi casta verba, et grauias omnisque graetae proteruias et lasciuias expertia, proferre studeat.

Profess. 5. 17. disertus, lucida facundia. Carere cultu praeditus.) Mendum

dum qui haec legens non animaduert-
rit, nae is quouis ICto *** stultior sit
necesse est. Scaliger coniiciebat: *Can-*
gre, probante Tollo, qui tamen et vul-
gatum posse defendi autumat. Quid si
verum esse, mecum Tibi persuadeas:
Graioque? Cuius oratio Graecorum ele-
gantiam refert, Graecorum lectione ex-
polita est, et ornata.

II. 49. Sed tamen hunc noster Com-
memoravit honos; Religiosum etenim
Commemorare meae Grammaticum pa-
triae.) Substituendum apparet: *Non*
memorare. Statim, ecce, causam ad-
dit: *Ne pariter tumulus Nomen et ossa*
teget.

Gratiar. Actio. c. 21. adhuc obnoxii
in paginis concrematis ductus apicum et
festertiorum notas cum iuuantia de ra-
tione cernebant.) Non est hoc quis-
quam corruptior in Aufonio locus. Sca-
liger tentabat: *cum titubantia et trepi-*
datione,

datione, et applaudit Acidalius, ob vocem, puto, bellissime fictam. Gronovius: *cum ingenti trepidatione*; Hotomannus non minus venuste Scaligero: *cum denariaria ratione*. Tollius denique, ne nihil egisse videretur: *conni-venti*, s. *collucenti de r.* nobis propinat. In vno codice exstat: *coniuuantia*, alter mirifice habet: *cum XXX*, atque inde librarium *triginta*, aut simile quid legisse patet. Tot — suspicionibus dicam, an nugis? — nostras addere non erit piaculum. Fuit nempe, cum legerem: *cunctanti adoratione*. Timidi adhuc ciues propter tenues tabularum concrematarum, quas videbant, reliquias nondum libere Imperatoris indulgentiae gratias agere audebant.

Longus Pastoral. L. 4. p. 164. ed. Iungerman. ἀκῆσας — ὁ ἑνδρομος, ἐμπαροίνημα γενήσεται τοιῦτον κάλλος.) Claudicat verborum structura. Iungermannus, nimis

nimis de suo liberalis, cupit inferere post Εὐδ.: ἀχθόμενος ὅτι ε. sed parçior eo Mollius: εἰ, tantum excidisse credit, quod tamen graeca hic minime admittunt. Tu si me suadente: ὡς, reponas, quod desideres amplius, non habebis. Perit illud syllabae vicinae insidiis.

Achilles Tattius, L. 5. p. 319. ed. Salmaf. Ελέησον με — γυναῖκα, ἐλευθέρων μὲν, ὡς ἔφην, δούλην δὲ νῦν, ὡς δοκᾷ τῇ τύχῃ.) Reddidit interpres: *ut vere affirmare possim*, languorem, quem verbum deprauatum infert orationi, minime animaduertens. Scribendum enim, mutata littera vnica: ἔφην, si loco suam velimus denuo constare integritatem. Liberam se natam quidem refert mulier, seruam autem sortis arbitrio factam. Quid pote dici clarius?

Iustinus L. 6. c. 4. ed. A. Gronou. ciuitas ex infimis incrementis — ad spem imperii Graeciae erecta est.) Bon-garsius

garfius quasdam editiones: *infinitis*, codices autem: *finitimis*, habere notat. Confirmat id Schefferus, cui non immerito *infima* ista *incrementa* suspecta sunt, parum ex mente auctoris, timide quamvis *eximiis* coniicienti. Propius ad veritatem accedet suspicio mea: *infirmis*, et illa, licentior nonnihil: *minimis*.

L. 9. c. 8. vt nec ornatui facilitas, nec facilitati inuentio, nec inuentionibus deesset ornatus.) Sic bene Graeuus, obsecutus Oxoniensibus, edidit, cum antea minus eleganter legeretur: *nec facilitati inuentionum d. o.* Addit, malle se: *inuentionis*, et sane Ioh. Sarisberienfis, teste Vorstio, citans ista, *inuentionis*, legit. Seruari poterit vltima syllaba, sic refingenda: *inuentioni suus*.

L. 11. c. 8. dubiae se fidei medici credere.) Praetulerim: *medico*. Supra c. 1. *gentes fidei dubiae*.

L. 12.

L. 12. c. 15. ambitione vulgi tacitum fauorem militum quaerunt.) Non intelligere se fatetur Graevius; quid sit hic *tacitus fauor*, et censet Iustini esse: *tacite*. Aliorum conatus: *Amb. tacita vulgi m. f. q.* et: *Amb. vulgi militum t. f. q.* Schefferus adducit, ipse adductum codicis cuiusdam, in quo: *tanticum*, fuit, *Amb. vulgari tanticum f. m. q.* parum, ut solet, probabiliter, reponeus. Nescio, cur placuerit nemini: *nutantium*; scilicet, *quorum et libertas solutior, et fauor incertus erat*, ut ait L. 13. c. 2.

L. 13. c. 7. virginis nomine ex responsis agnito, urbem Cyrenem condidit.) Quare τὸ: *agnito*, nullo modo tolerari possit, quaerentem fuisse docebit, quem describere animus iam non est Tan. Faber. Schefferus illud delenti non prorsus accedit, sed mendum subesse credit, quod aggredi non audet, Musis

sis tunc forte bono viro aduersantibus. Mihi igitur tam insignis facti cedit gloria, reponenti: *auspicato*, idque, quod tutissimum fere, praeunte Nostro ipso, L. 8. c. 2. vbi similiter: *tot urbes auspicato condiderant*. Et hic, vt aliquoties monui, scripturae compendium descriptori causam errandi praeuisse, credibile est.

L. 43. c. 3. rogantur etiam Graeci hospites ad conuiuium.) Graeuus vult: *vocantur*, et recte Vorstium formulae latinitatem ex Ambrosio ridicule defendentem, refellit. Sed obseruaui similem in melioris notae scriptore, Claudiano, epist. ad Serenam, v. 22. *Adnati thalamos ausa rogare parens*. qua forte lectio recepta defendi poterit.

c. 5. vltro pacem Massiliensibus fecit.) *Pacem alicui facere*, insolens locutio.

E

Infera-

Inferamus: *cum*, syllaba proxima exturbatum.

Claudianus in Eutrop. L. 2. v. 147. ed. Burman. In splendida illa, magnique spiritus oratione ad Bellonam Gradius ita: Thracum Macedumque ruinae Taedet, et in gentes iterum saevire sepultas. Damna minus consueta movent.) Non placere sibi, Deus ostendit, easdem semper regiones, iam olim vastatas caedibus, inuadere, alias gentes in ferrum esse concitandas, novis ex causis et insolitis instantem belli tumultum originem trahere debere. Perspicua cuncta: tantum minus apte: *movent*, hic positum est. Quem enim, quoque modo damna ista mouere dicuntur? Martemne an populos, quibus bellum inferitur? Nihil licet tot codices varient, suspicor tamen, scribendum esse: *iuuant*. Hoc et Martis truculentiae

lentie et reliquae orationi probè con-
venit.

De bello Get. v. 63 r. Sed Dea, quae
nimiis obstat Rhamnusia votis. Inge-
muit, flexitque rotam.) Cur tandem
ingemuit Diua eo tempore, quo suae
potentiae clarissimum documentum edi-
dit, coniugis Alarici spes insolentes fa-
stusque coërcens? Non fugit id N. Hein-
sium, qui proinde: *infremuit*, substi-
tuebat, Gesnero, ut video, approbante.
Sed neque iram Deae hoc loco deside-
ramus. Ipse aliquando margini libri
mei alleueram: *Id vetuit*: Tuum est,
quod placeat, eligere.

epig. 22. v. 3. Lemnia nec semper sup-
plex ardentis adibat Antra Dei, nato
galeam factura comantem.) Heinsius
sic. "*Fractura*, tres Florentini et ter-
tius Vatican. et sane Tethys galeam non

E 2

„ fecit,

„fecit; sed Vulcanus. *Fortē: Paſtura*
 „legendum; praeeſſit tamen et: cly-
 „peum fabricabat.” Vt fluctuat vir
 doctiſſimus! Mihi dubium non eſt, quin
 Claudianus reliquerit: *latura*: Apud
 Homerum ſic Tethys ad Achillem, II. Σ.
 v. 136. Ἡὼθεν γὰρ νεῦμαι, ἅμ' ἡελίῳ ἀνιόντι,
 Τεύχεα καλὰ φέρουσα παρ' Ἡφαίſοιο
 ἀνὰ κτος. v. 146. Ἦέν, ὄφρα φίλῳ παιδὶ
 κλητὰ τεύχε' ἐνείκοι. v. ult. Τεύχεα μαρ-
 μαίροντα παρ' Ἡφαίſοιο φέρουσα. II. T.
 v. 3. Ἡ δ' εἰς νῆας ἵκανε, θεοῦ παρὰ δῶρα
 φέρουσα.

(Val. Flaccus L. 1. v. 474. ed. Burman.
 feſſum Phylace quem miſerat aeuo.)
 Poëtica magis ſcripſiſſe vatem credi-
 derim: *aeui*. v. 771. *aeui rudis altera*
proles.

L. 2. v. 214. tum verbere victas In-
 thalomos agit, et cunctantibus inuenit
 enſes.)

enses.) Venus hic nobis sistitur, mulieres Lemnias in facinus, caedesque maritorum instigans. Suspectum fuit Heinſio: *inuenit*, pro quo acute: *ingerit*, malebat reponere, repugnante licet Burmanno, qui non mouendum illud monet, quod magis furorem et vires Deae exprimat, quae enses, qui ad scelus deesse videbantur, subito inuenit. Piget profecto argutiarum orationisque, si hanc explicationem admittamus, nimis contortae et obscurae. Scribamus potius: *inſerit*. Apud Statium Theb. 5. 230. Hypsipyle idem nefas ex ordine referens: *tum ſaeva parens iam coniuge fuſo Adſtitit, impellitque minis, atque inſerit enſem.*

v. 449. citum ſtriſtis alius de cauti-
bus ignem Oſtendit foliis, et ſulphu-
re paſcit amico.) Heinſius. "Puta-

E 3

„bam

„bam aliquando; *Extundit, folisque,*
 „vel: *Excudit. Ostendere ignem habes*
 „etiam 3. 603.” Sed ibi sensu longe
 diuerso vsurpatur formula. Et quomo-
 do, quaeso, isti poterant *ignem iam ci-*
tum, adeoque paratum, denuo extun-
 dere? Nondum reiicio coniecturam
 meam: *Sustentat*, id est, excipit foliis,
 his tanquam fomite vtitur.

L. 5. v. 102. Altius in ventos recipit
 ratis.) Varie locus hic tentatur ab in-
 terpretibus. Pius: *hinc*, Sabellicus:
cecidit, Maserius: *recidit*, reponere ge-
 stiunt. Burmannus quasi desperabun-
 dus, *intentos* coniicit, et nihil se inue-
 nire melius fatetur, atque alios de ve-
 ra lectione restituenda cogitare iubet.
 Morem illi gerens, scriptum fuisse diui-
 no: *redit*. Sic certe v. 212. *Protinus*
in proram rediit ratis.

L. 7.

L. 7. v. 166. totis adstantem noctibus anguem. — Soluat, et in somnos ingenti soluat ab orno.) Odiosam vocat Heinſius repetitionem eiusdem verbi, et a mala manu. "Forte, addit: „*Sopiat infonnem, atque i. vel: auellat* „*ab o. nisi praestiterit: euoluat.*" Ista quidem curationes nimis violentae sunt. Recte obseruat Burmannus, *et soluat* posterius remoueri non posse, pro prior autem mauult: *Molliat, in somnosque.* Probabiliter mihi reposuisse videor: *Sternat et in etc.* Verbum sane, aptius ad anguem *adstantem* referendum, vix vllum inueniri posse, arbitror.

L. 8. v. 318. Haud ita sed summo segnis sedet aethere Iuno: Haud finit extrema Minyas concurrere pugna.) Prior versus admodum mendosus Heinſio videtur, qui in Val. Flacco auda-

cioribus subinde coniecturis indulgens, emendat: *Viderat*, *ut* *f.* atque alio modo: *Vidit*, *et* *haud* *f.* Burmannus Balbi vestigia premens, praefert: *Haud ita: nec* *f.* — *Aut finit e.* Pace virorum eruditissimorum dixerim, neuter sensum loci verum affecutus est. Scilicet verborum ordo ita est constituendus: Sed Iuno sedet haud ita segnis summo aethere, *Aut finit* etc. ita enim posterius recte emendatur. Sic cuncta, remota difficultate, integra servari poterunt.

Heliodorus L. i. p. 8. ed. Bourdelot.
 οἱ δὲ λησάει πρὸς τὴν διασπαγὴν, καὶ ταῦτα
 σπεύδοντες.) Vertere neglexit latinus interpres: καὶ ταῦτα, nec iniuria. Mendum quippe, verbo posteriori inhaerens, obstat, quo minus commodus inde sensus elici queat. Ne amplius ergo de nihilo adesse videatur, lectoremque
 more-

moretur, corrigamus: καὶ αὐτοὶ. Latrones, recens aduenientes, ipsi quoque, non minus ac turba priorum, quam fugauerant, praedae et rapinae paratae inhiabant.

L. 4. p. 185. ὅτε σε ἐχρῆν ἔπειθαι καὶ χαίρειν, ἀποθύειν τε χαριστήρια τοῖς θεοῖς, — τότε σκυθρωπὸς καὶ σύνκας, καὶ μονονὲ θρηνηῖς, ἐκ οἷδ' ὅ, τι πεπονθώς.) Atqui nihil praecesserat, nec quidquam omnino post occurrit, quod Charicles sequi debuisset. Alienum plane est hoc verbum a reliquae narrationis serie. At quid apertius, quam restituendum esse: ἠδεσθαι? Constat hoc cum χαίρειν coniunctum apud optimos scriptores frequentissime occurrere.

ibid. p. 189. ἐπαῖχέ τις βοὴ παριόντα· Σὺ σπεῦδε, ὦ γαθεῖ, ξένων καλέντων.) Quomodo tandem acclamatio ista euntem

E 5

cohi-

cohibere potuit, quae potius celerare iter institutum iubebat? Certe si e longinquo epulantes senem ad se vocassent, recte illum admonere viderentur, ut gressum ad ipsos alacriter dirigat. Hic vero praetereuntem modo inuitant, quod firmant sequentia: ἐπέσχον τὴν ὁρμήν, ὡς τέτων ἡσθόμην. οὐδὲ γὰρ ἦν μοι θεμιτὸν, ἱερὰν κλήσιν παραδραμεῖν. Scribendum crediderim: Οὐ σ. vel, si hoc minus arriserit: σὺ δὲ σ. *Ne festines, o bone, pergas ulterius, cum te hospites vocent.*

L. 5. p. 227. σοῦ τῶν παίδων ἡ μὲν θυγάτηρ ἦδε σώζεται καὶ ὁρᾶται, ὁ παῖς δὲ ὅσον ἀδέπω σὺν θεοῖς ὀφθῆσεται.) Facile, ut existimo, patet, pro ἦδε scriptum a Heliodoro fuisse: ἦδη. Filia, inquit, iam seruata est; filius breui conspicietur.

ibid.

ibid. p. 235. ἢ μὴν αὐτὸν τὲ σε, ὡς ἀδελφὸν, παῖδάς τε τὰς σὰς ἴσα καὶ παισὶν ὄρᾱν τοῖς ἐμοῖς.) Haec sic vertuntur: *me te — et tuos liberos — ferre in oculis*; bene, quod ad sensum, verbis tamen, ut nunc concepta sunt, minus conuenienter. Nunquam enim Graeci formulam: ὄρᾱν τινα, isto modo vsurpant. Genuinam procul dubio scripturam indagavi: ἑρᾶν.

ibid. p. 238. οὐκ ἔν — εἰ δὴ μέλας τὸ ἐμὸν ἰσχύεν πρόσταγμα τῆς ἀρχομένης ἀνβελοίμην ἀποπλεῦσαι νυκτός.) Non opus est, ut multis Tibi persuadeam corrigendum esse necessario: εἰ τί.

L. 9. p. 441. θεασάμενος — πολλῷ αἵματι ρέομενον, τῷτο μὲν ἐκαιοδῇ διὰ τῶν τῷτο ἔργον πεπονημένων ἐπέσχε.) Vox penultima deprauata pessimam hanc nobis interpretationem peperit: *iis, quae*
ad

ad hunc usum parata fuerant. Negligentiae profecto Bourdelotii succensio, non curantis restituere, quod vnice, mea quidem sententia verum est: πεπνυμένων. Per huius rei peritos, nempe medicos, qui incantationum eiusmodi, per quas sanguis sisteretur, gnari erant, de quo curationis genere praeter alios videndi Homeri interpretes fere cuncti ad Odyss. I. Certe virum doctum magis de formulis ritibusque illustrandis antiquis, quam de verborum integritate sollicitum fuisse deprehendimus.

Sed iam profecto

Lambi sedendo, oculique spectando dolent.

Iam finem in syllabas misellas saeuiendi faciam. — Serius id quidem, inquires, quam vellem. Nonne calamum pridem posuisse oportuit? Quin tu tibi homi-

homines otiosos quaeris, quos tua gar-
 rulitate impune eneces? — Fateor,
 mea suauitas, verum ignosce! Hoc mi-
 hi scribenti vitium est; iniussus nun-
 quam desisto. Plura, quae ad alios
 quosdam scriptores mihi in promptu
 sunt, ne me pro epistola Barthii Aduer-
 saria postuma describere suspicere, alio
 loco forsan, dabitur expromere. Tu
 si me audis, his nostris perlectis, ad
 Klotzia scripta statim confugies, his-
 que taedium ac molestiam, quam tibi
 tot vocularum misere afflictarum tinni-
 tus hercle! elegans, tot lectionum va-
 rietates bellissimae non creare non po-
 terant, protinus facessere quam lon-
 gissime iubebis. Mihi sane, dum istas
 animaduersiones conscribo, rugae tres
 in fronte exortae sunt. Quali tan-
 dem, obsecro, ingenio illos esse existi-
 memus, qui cum se litterarum elegan-
 tiorum

tiorum amicos et doctores profiteantur, disciplinarum, quae quidem homine ingenuo, institutoque liberaliter dignae sunt, rudes, certe blandae istius voluptatis, qua suos cultores beant, prorsus expertes, membranis vetustis excutiendis, aut emendatiunculis innumeris excogitandis, indefesso studio usque vacant, atque omnes ingenii corporisque vires labori huic, vtili sane, minimeque taxando, sed si totam vitam hominis occupet, ridiculo, vano sterilique impendunt? — Quamquam quid ego talia? Cur Criticorum genus irritabile in me imprudens concitem? An, ut ex iis vnus calidior forte et feroculus in me infurgat, et capitis cuiusdam Observationum suarum argumento post consueta illa: *Suidae lux, Hesychius bis correctus, Plautus leuiter adiutus*, horribile hoc: *Herelius refutatus*,

tatus,

tatus, Error Herelii ostensus, inferat?
Τότε μοι χάνοι ευρεῖα χθών! Quare ver-
 bum non amplius addam. — Ecquando
 autem erit tempus auspicatissimum, vo-
 tisque meis semper efflagitatum, cum
 mihi relictus et meus, totum me in sa-
 craria Musarum blandiorum recondam,
 cum procul a patria ingrata, calumniis-
 que civium meorum et insidiis ereptus,
 quodcunque aevi fata mihi concesserint,
 in otio placido amoenissimoque
 transigam? Vnquamne vitae civilis, ad
 quam me naturam aptum finxisse mi-
 nime, omnes qui me norunt, intelli-
 gunt, strepitu molestiisque liberatus,
 fortunae ludibria inter sapientum scri-
 pta, paucosque amicos, sed iucundos,
 sed candidos, secure potero contemne-
 re, an iterum delatus in loca, doctri-
 nae liberalioris insectatione nota, cir-
 cumdatus rabulis hostilibus, inuisus
 omni-

omnibus et despectus, inutilis aliis, mihi
gravis ipse, mortem vitae infelicis, mi-
seriarumque finem expectabo? —

*But break, my heart, for I must hold my tan-
gue.*

Vale, Vir Amicissime, nostrique me-
mor, prosperioribus fatis nunquam non,
precor, vtere. Scr. Gottingae, Prid.
Kal. Aug. MDCCLXVII.

